



Innkalling av Råd for menneske med nedsett funksjonsevne

Møtedato: 06.02.2023
Møtestad: Alver rådhus, kantina
Møtetid: 12:00 - 16:00

Eventuelle forfall må meldast til Nora M. K. Gjerde per tlf. 958 511 71, sms til eller per epost til nora.gjerde@alver.kommune.no

Varamedlemmer møter berre etter nærare avtale.

Det vert felles orienteringsmøte for RMNF/Eldrerådet i kantina på rådhuset kl. 12.00.

Sakliste

Saknr	Tittel
001/23	Godkjenning av innkalling og sakliste
002/23	Godkjenning av møteprotokoll – 28.11.2023
003/23	Forslag til detaljregulering for Åtun, gbnr. 108/161- Offentleg ettersyn
004/23	Handlingsplan mot vald i nære relasjonar
005/23	Kulturmiljøplan for Alver kommune 2024-2028 - Vedtak av planprogram
006/23	Endeleg vedtak Kommunedelplan Oppvekst 2023-2034
007/23	Kommunedelplan helse, sosial og omsorg 2023-2034
008/23	Mandat: Kommunal bustadplan – trygge og gode bustader i Alver kommune 2024-2035
009/23	Årsmelding Rådet for menneske med nedsett funksjonsevne i Alver 2022
010/23	Meldingar og orienteringar til RMNF - 06.02.2023

31. januar 2023

Magne Bjørndal
møteleiar

Nora M. K. Gjerde
møtesekretær

Arkiv: <arkivID><jplD> FE-033
JournalpostID:
Sakshandsamar:
Dato: 30.01.2023

Saksframlegg

Saksnr.	Utval	Møtedato
001/23	Råd for menneske med nedsett funksjonsevne	06.02.2023

Godkjenning av innkalling og saksliste

Innkalling og saksliste vert godkjent.

Arkiv: <arkivID><jplD> FE-033
JournalpostID:
Sakshandsamar:
Dato: 13.01.2023

Saksframlegg

Saksnr.	Utval	Møtedato
002/23	Råd for menneske med nedsett funksjonsevne	06.02.2023

Godkjenning av møteprotokoll

Møteprotokollen vert godkjent.

Vedlegg i saken:

29.11.2022 Protokoll - Råd for menneske med nedsett funksjonsevne - 28.11.2022 1843813



Møteprotokoll for Råd for menneske med nedsett funksjonsevne

Møtedato: 28.11.2022
Møtestad: Kantina, rådhuset
Møtetid: 12:00 - 14:15

Det var felles orienteringsmøte for Eldrerådet og RMNF kl. 12.00.
Nestleiar Reidar Knutsen leia møtet i leiar Magne Bjørndal sitt fråvær.

Frammøtte medlemmer	Parti	Rolle
Else Marie Skartveit Dale	KRF	Medlem
Jan Arild Lindaas	SAFO	Medlem
Reidar Knutsen	SAFO	Medlem
Liv Erstad	FFO	Medlem
Bente Orlen Westervik	FFO	Medlem

Forfall meldt frå medlem:	Parti	Rolle
Sølvi Gripsgård Knutsen	SP	Medlem
Svein Arne Vabø	SAFO	Medlem
Magne Bjørndal	FFO	Utvalsleiar
Jannicke Helland	FFO	Medlem

Frammøtte varamedlemmer:	Parti	Erstatter medlem
Erling Jacobsen	FFO	Jannicke Helland
Edith Jørgenvik	FFO	Magne Bjørndal

Følgjande frå administrasjonen møtte:

Janne Sund-kommunalsjef økonomi, Leni Dale-kommunalsjef Helse og omsorg, Nora Gjerde-politisk sekretariat.

Sakliste

Saknr	Tittel
056/22	Godkjenning av innkalling og sakliste
057/22	Godkjenning av møteprotokoll
058/22	Økonomiplan 2023-2026

059/22 Meldingar og orienteringar til RMNF - 28.11.2022

056/22: Godkjenning av innkalling og sakliste

Innkalling og sakliste vert godkjent.

Råd for menneske med nedsett funksjonsevne 28.11.2022:

Behandling:

Ingen merknader, samrøystes.

RMNF- 056/22 Vedtak:

Innkalling og sakliste er godkjent.

057/22: Godkjenning av møteprotokoll

Møteprotokollen vert godkjent.

Råd for menneske med nedsett funksjonsevne 28.11.2022:

Behandling:

Møteprotokoll frå møte - 07.11.2022 vert godkjent, samrøystes.

RMNF- 057/22 Vedtak:

Møteprotokoll frå møte - 07.11.2022 er godkjent.

058/22: Økonomiplan 2023-2026

Kommunedirektøren sitt framlegg til vedtak:

1. Investeringsbudsjettet for 2023 og for økonomiplanperioden 2023-2026 blir vedteke jfr. Bevilgningsoversikter Investering etter § 5-5. Budsjettet er basert på forventta framdrift på tidlegare vedteke prosjekt, i tillegg til nokre nye mindre prosjekt. Sum investeringsutgifter i 2023 vert budsjettet med 328 386 000 kr. Bruk av lånemidlar vert budsjettet med 242 939 000. Låneopptak til investeringsprosjekta vert avrunda fastsett til 243 000 000 kr. Øvrig finansiering framgår av bevilgningsoversikten. I tillegg vert det budsjettet med opptak av startlån for vidareutlån i Husbanken på 150 000 000 i 2023 slik det framgår av bevillingsoversikten. Låneopptak skal skje ihht. fullmakt i Finansreglementet pkt. 8.1.
2. Økonomiplan for 2023-2026 og årsbudsjett for 2023 blir vedteke, jfr. Bevilgningsoversikt drift §5-4 og økonomisk oversikt drift §5-6. Årsbudsjettet for 2023 blir vedteke med sum netto driftsrammer for dei sju sektorane, jf. eigen tabell.
3. Kommunedirektøren får fullmakt til å fordele sentralt avsett lønsauke til sektorane når årets lønsforhandlingar er gjennomført.
4. For skatteåret 2023 skriv kommune ut eigedomsskatt etter eigedomsskattelova §§ 2 og 3 første ledd bokstav c, «berre på kraftverk, vindkraftverk, kraftnettet og anlegg omfatta av særskattereglane for petroleum», slik bestemmelsen lyder frå 1. januar 2019. Skattesatsen er 7 promille, jf. eigedomsskattelova §§ 10 og 11. Alver kommune vil i 2023 skrive ut eigedomsskatt på «et særskilt fastsett grunnlag» i henhold til overgangsregelen til eigedomsskattelova §§ 3 og 4, første ledd, slik at verdien av produksjonsutstyr og – installasjonar fasast ut med 1/7 for verk og bruk som frå og med 2019 er å anse som næringseigedom. Det særskilte grunnlaget skal i 2023 vere lik 2/7 av differansen mellom eigedomsskattegrunnlaget i 2018 og 2019 som er forårsaka av at produksjonsutstyr- og installasjonar ikkje skal reknast med i grunnlaget. Alver kommune vil i 2023 skrive ut eigedomsskatt på bygningar og grunnareal for anlegg nevnt i punktet over i henhold til overgangsregelen til eigedomsskattelova §§ 3 og 4, andre ledd. Eigedomsskatten skal betalast i tre terminar, jf. eigedomsskattelova § 25.
5. Basert på endringar i borne- og elevtall i dei kommande åra, ber Kommunestyret kommunedirektøren om å starte arbeidet med barnehage og skulebruksplan for Alver kommune
6. Kommunestyret ber kommunedirektøren om å starte arbeidet med taksering av næringseigedomar i 2023 med sikte på å innføre eigedomsskatt på all næring i 2024.
7. Kommunestyret ber kommunedirektøren starte arbeidet med taksering av hus, hytter og tomter med sikte på å innføre eigedomsskatt i 2024. Det er sett av 1,5 mill. kr til takseringsarbeidet i 2023. Dersom anbudsprosessen viser at takseringsarbeidet vert dyrare, ber kommunedirektøren om å ta resultatet inn i tertialrapporteringa i 2023.
8. Det vert gjeve ei ramme på 1 924 000 kr til kontrollutvalet.
9. Det vert gjeve eit driftstilskot til Alver kyrkjelege fellesråd på 26 535 000 kr. I tillegg kjem dekking renter og avdrag på lånet for Kyrkja i Knarvik som tilsaman utgjer 3 228 000 kr.
10. Skatteøre vert sett lik maksimal sats i samsvar med Stortinget sitt vedtak om kommunalt skatteøre.
11. Godtgjersle til ordfører er 1 064 318 kr og varaordfører 638 591 kr. Dette er i samsvar med godtgjersle til stortingsrepresentantar pr 1. mai 2022. Løna skal regulerast per mai 2023 i samsvar med endringar i løn til stortingsrepresentantar.

Råd for menneske med nedsett funksjonsevne 28.11.2022:

Behandling:

Orientering til saka v/Janne Sund-kommunalsjef økonomi og Leni Dale-kommunalsjef helse og omsorg

Fellesframlegg v/Reidar Knutsen:

Økonomiplan:

- RMNF er uroa over den økonomiske stoda for Alver kommune og planane om nedskjeringar i habiliteringstenester / psykisk helse og rus, i tillegg til uspesifiserte innsparingar i helse/omsorg og skule. Vi er redd dette vil ha negativ verknad på livskvaliteten til menneske med nedsett funksjonsevne. Kortsiktige innsparingar kan òg gje auka kostnader fram i tid.
- Ved innsparing i skule og barnehage, må ein sikre at alle born framleis vert sett og får den tilrettelegginga dei treng og har krav på.
- Vi ber om at RMNF og brukarorganisasjonar vert involvert ved vesentlege endringar i tenestetilbodet til menneske med nedsett funksjonsevne.
- Vi ber om at kjøp av plassar på Guttas Campus eller likeverdig tilbod vert vidareført.
- Det er bra at det er avsett ressursar basert på forventa demografiutvikling, men det er òg nødvendig å etablera økt kapasitet i tide, enten det gjeld bustad, arbeids og aktivitetstilbod eller anna som krev lengre planlegging og gjennomføring.
- RMNF har vorte kontakta av ein innbyggjar, som meiner det er urimeleg at personar som søker om å få montert utvendig trappeheis må betala gebyr for å få behandla søknaden. Ein slik heis er eit midlertidig tiltak, som vert fjerna når den som treng den ikkje lenger bur i huset. RMNF er einig i at dette synest som urimeleg å måtta betala eit slikt gebyr, som følgje av at ein har fått ei funksjonshemming som gjer at ein ikkje lenger kan bruka trappa. Vi ber om at det vert innarbeidd ei presisering i gebyrregulativet, om at det ikkje skal krevjast gebyr for utvendige trappeheisar og tilsvarande midlertidige installasjonar.

RMNF- 058/22 Vedtak:

Uttale i RMNF - 28.11.2022:

Økonomiplan:

- RMNF er uroa over den økonomiske stoda for Alver kommune og planane om nedskjeringar i habiliteringstenester / psykisk helse og rus, i tillegg til uspesifiserte innsparingar i helse/omsorg og skule. Vi er redd dette vil ha negativ verknad på livskvaliteten til menneske med nedsett funksjonsevne. Kortsiktige innsparingar kan òg gje

- auka kostnadar fram i tid.
- Ved innsparing i skule og barnehage, må ein sikre at alle born framleis vert sett og får den tilrettelegginga dei treng og har krav på.
 - Vi ber om at RMNF og brukarorganisasjonar vert involvert ved vesentlege endringar i tenestetilbodet til menneske med nedsett funksjonsevne.
 - Vi ber om at kjøp av plassar på Guttas Campus eller likeverdig tilbod vert vidareført.
 - Det er bra at det er avsett ressursar basert på forventa demografiutvikling, men det er òg nødvendig å etablera økt kapasitet i tide, enten det gjeld bustad, arbeids og aktivitetstilbod eller anna som krev lengre planlegging og gjennomføring.
 - RMNF har vorte kontakta av ein innbyggjar, som meiner det er urimeleg at personar som søker om å få montert utvendig trappeheis må betala gebyr for å få behandla søknaden. Ein slik heis er eit midlertidig tiltak, som vert fjerna når den som treng den ikkje lenger bur i huset. RMNF er einig i at dette synest som urimeleg å måtta betala eit slikt gebyr, som følgje av at ein har fått ei funksjonshemming som gjer at ein ikkje lenger kan bruka trappa. Vi ber om at det vert innarbeidd ei presisering i gebyrregulativet, om at det ikkje skal krevjast gebyr for utvendige trappeheisar og tilsvarande midlertidige installasjonar.

Ungdomsråd 28.11.2022:

Behandling:

Orientering i saka v/Janne Sund

Ungdomsrådet arbeida fram ein felles uttale på dei punkta dei meiner er viktige å formidle i saka, uttalen kjem i sin heilhet i vedtaket.

UR- 048/22 Vedtak:

Vi i Alver ungdomsråd kjem med følgjande uttale i sak om Økonomiplan 2023-2026 og budsjett 2023.

Vi ynskjer først å peike på dei innspela som vart gjeve til formannskapet i august 2022, der ungdomsrådet hadde følgjande innspel på tiltak som er viktig for dei unge i kommunen:

- Ungdomsklubbar, fleie dagar i uken og ny klubb i Knarvik.
- Helsesjukepleiarar i skulen, med meir tid til kvar enkelt elev.
- Halde fram MOT på ungdomsskulen.
- Halde fram Ungdomskontakten Salto
- Halde fram tilbod om Open hall.

- Halde fram arrangementer i hallane, aktivitetar og utfluktar for ungdom.
- Kortare ventetid på psykolog for ungdom.
- Betre opningstid på Helsestasjon for ungdom.
- Betre uteområde på ungdomsskulane
- Miljøterapeuter i ungdomsskulen

Til kommunedirekøren sitt framlegg til økonomiplan og budsjett, har vi følgjande innspel:

- Ikkje kutt MOT frå 2023.

Vi meiner MOT er viktig i ungdomsskulen og ber om at programmet kan halde fram.

Vi opplev at MOT er med på å skapa betre klassemiljø og fellesskap i klassane, og betre livsmeistring for den enkelte.

MOT gjev også betre overgang mellom barneskule og ungdomsskule.

- Kutt i kultur frå 2024-.

Ikkje kutt i tilbod til barn og unge. Ungdomsklubbane, arrangementer, Open hall og ferieaktivitetar er som vi påpeikte til formannskapet i august viktige for trivsel for barn og unge.

- Framlegg om investering i lærebøker.

Vi har fått innspel frå elevråd på Radøy ungdomsskule om for dårlege lærebøker. Dei er utdaterte og har mykje feil. Elevane opplev å få mange kopiar og hefter, som det ikkje er lett å halde orden i.

Vi meiner at alle elevråd i kommunen må få uttale seg om korleis dei opplev undervisninga og ulike verktøy for læring. I dag opplev mange å få kopiark, hefter, utdaterte lærebøker i kombinasjon med digitale verktøy.

Vi meiner kommunen sjå gjennom bruken av ulike verktøy og materiell, høyre på innspel frå elevar/elevråd og samstundes sikra finansiering av oppdaterte lærebøker der det er behov. Mange liker ein god fysisk lærebok, ikkje alt digitalt.

- Innsparing, Helse og omsorg

Vi meiner kommunen bør sjå om ein kan effektivisere helse og omsorg, slik at ein ikkje må auke budsjettet så mykje som økonomiplanen seier. Til dømes, kan betre bruk av velferdsteknologi redusere behovet?

- Innsparing, Oppvekst og skular.

Vi er ikkje i mot å leggje ned skular for å betre økonomien, men da må innsparingen vere eit ledd i å behalde andre tilbod til barn og unge (t.d. unngå kutt i kultur og MOT).

Vi meiner det kan vere fordelar ved å leggje ned skular, dersom det bidreg til større fellesskap for elevane gjennom større klassar og fleire medelevar på skulen.

059/22: Meldingar og orienteringar til RMNF - 28.11.2022

Kommunedirektøren sitt framlegg til vedtak:

Meldinga vert teken til orientering.

Råd for menneske med nedsett funksjonsevne 28.11.2022:

Behandling:

Fellesframlegg v/Reidar Knutsen:

Møtefilrettelegging: RMNF ber om at det til våre møte vert tilrettelagt for deltakerar med rullestol og nedsett høyrsel.

Ellers ingen merknader, samrøystes.

RMNF- 059/22 Vedtak:

Meldinga vert teken til orientering.

Arkiv: <arkivID><jplD>
PlanID-46312021004,
GBNR-108/161

JournalpostID:

Sakshandsamar:

Dato: 24.11.2022

Saksframlegg

Saksnr.	Utval	Møtedato
153/22	Utval for areal, plan og miljø	07.12.2022

Forslag til detaljregulering for Åtun, gbnr. 108/61 - 1. gongs handsaming
KOMMUNEDIREKTØREN SITT FRAMLEGG TIL VEDTAK:

«I medhald av plan- og bygningslova § 12-11, og i høve delegert mynde, legg Utval for areal, plan og miljø følgjande forslag til reguleringsplan ut til offentlig ettersyn:

Åtun, gnr.108, bnr. 61 mfl. Plan-id 4631 2021 004, vist på plankart sist datert 26.10.2022, med tilhøyrande føresegner datert 25.10.2022.

Før planen vert lagt ut til offentlig ettersyn skal det ligge føre illustrasjonar/fotomontasje som syner tiltakets verknad på Den Trondhjemske postveg.

Utval for areal, plan og miljø ber om at det fram mot 2. gongs handsaming av planforslaget vert sett nærare på følgjande forhold ved planen:

- Det vert tilrådd å gjere grep for bryte opp fasaden på bygga.
- Det må gjerast ei vurdering av solforhold og kvalitet på felles og privat uteoppholdsareal.
- Føresegna som gjeld rekkefølgekrav for opparbeiding av leikeareal må detaljerast.
- Det bør stillast krav til at ein viss prosentdel av bueiningane må vere universelt utforma og at trinnfrie løysingar mellom uteareala skal etterstrebast».

Utval for areal, plan og miljø 07.12.2022:

Handsaming:

Kommunedirektøren sitt framlegg vart samrøystes vedteke.

APM- 153/22 Vedtak:

«I medhald av plan- og bygningslova § 12-11, og i høve delegert mynde, legg Utval for areal, plan og miljø følgjande forslag til reguleringsplan ut til offentleg ettersyn:

Åtun, gnr.108, bnr. 61 mfl. Plan-id 4631 2021 004, vist på plankart sist datert 26.10.2022, med tilhøyrande føresegner datert 25.10.2022.

Før planen vert lagt ut til offentleg ettersyn skal det ligge føre illustrasjonar/fotomontasje som syner tiltakets verknad på Den Trondhjemske postveg.

Utval for areal, plan og miljø ber om at det fram mot 2. gongs handsaming av planforslaget vert sett nærare på følgjande forhold ved planen:

- Det vert tilrådd å gjere grep for bryte opp fasaden på bygga.
- Det må gjerast ei vurdering av solforhold og kvalitet på felles og privat uteoppholdsareal.
- Føresegna som gjeld rekkefølgekrav for opparbeiding av leikeareal må detaljerast.
- Det bør stillast krav til at ein viss prosentdel av bueningane må vere universelt utforma og at trinnfrie løysingar mellom uteareala skal etterstrebast».


Saksopplysningar:

Bakgrunn

På oppdrag frå Vestbo BBL og legg SE arkitektur fram forslag til reguleringsplan for Åtun. Planområdet er på om lag 12 daa og omfattar området B1 nordaust for Lindås jamfør kartutsnitt under. Planområdet inngår i dag som ein del av eit større ubebyggt område. Tilgrensande planområdet er Storbruhaugen i aust, Solhaugen barnehage i nordaust, Fonnebostvegen i sør og grønstruktur i vest og nord.



Oversiktsbilde



Åtun i svakt gult, blå strek syner postvegen

Intensjonen er å regulere for 25 bueningar for seniorar med tilhøyrande privat uteoppholdsareal, felles rekreasjonsområde og koping til eksisterande grønstruktur og sentrumsområde.

Planarbeidet er eit samarbeid med Lindås pensjonistlag.

Avklaring planinitiativ

I planinitiativet vart det lagt fram to alternativ for plassering av leilegheitsbygga. Kommunedirektøren vurderte at av dei skisserte alternativa var det alternativ A1 som i størst grad tok i vare dei særskilte krava stilt i kommunedelplan, spesielt med tanke på omsyn til Den Trondhjemske postveg og bevaring av kollen som eit viktig landskapselement. Busetnaden vart ikkje synleg frå fylkesvegen og kollen vart liggande urørt som ein buffer mellom tiltaket og hovudvegen/postvegen.

Planinitiativet vart handsama politisk (vedlegg 21) med vedtak om å vasle oppstart med alternativ A2 der busetnaden var plassert på sør-vestsida av kollen for betre sol- og utsiktsforhold.

Planprosess

Det vart gjennomført oppstartsmøte 07.05.2021. Planinitiativet vart handsama politisk 24.06.2021.

Planarbeidet vart varsla 06.07.2021. Det kom inn 1 private merknad og 6 offentlege uttaler til oppstart. Desse er oppsummert og kommentert i merknadsskjema, sjå vedlegg 5. Forslagsstillar har gjennomført medverknadsmøte og synfaring med Solhaugen barnehage.

Hovudtrekka i dei innkomne merknadane og uttalene gjekk ut på følgjande:

- ivareta naturleg topografi og legge til rette for stiar
- etablere park og naturleikeplass
- fråvik frå formålsområdet i kommuneplan og talet bueningar
- universell utforming
- omsyn til Den Trondhjemske postveg
- vurdere kapasitet i kryss mot fylkesveg


Undervegsmøte vart gjennomført 15.03.22. Planforslaget var sendt inn til 1. gongs handsaming i 07.07.2022. Kommunen vurderte planframlegget til å vere mangelfullt og nytt undervegsmøte vart halde 06.10.2022 med påfølgande innsending av revidert materiale 14.11.2022.

Kort om planforslaget

Planforslaget legg til rette for 25 bustadeiningar i form av leilegheitsbygg. Tilkomst er tenkt frå kommunal veg, Storbruhaugen.

I skissert planframlegg er bustadene er fordelt på to lågblokker, bygg A og bygg B. Busetnaden er føreslege med varierende høgder frå to til fire etasjar. I tillegg kjem parkeringsgarasje.

Det er og opna for etablering av eit felles aktivitetsbygg framføre bygg A.



Lågblukkene sett frå sør-vest

Samla utnyttingsgrad innafor planområdet er 115 % BRA, og maks byggehøgde er sett til 15 m mønnehøgde over gjennomsnittleg planert terreng.

For nærmare informasjon om planforslaget vert det vist til vedlagt planomtale.

Vurdering


Hovudformål

Framlegget til reguleringsplan er i tråd med bustadformålet i overordna plan, men plasseringa er berre delvis i tråd med formålsgrensa. Omriset for B1 vart sett i dialogmøte med motesegnmynde under kommuneplanprosessen i 2019.

Plasseringa av og talet på bueiningane i Åtun er avklart politisk både i planutvalet og kommunestyre i Alver kommune.

Leilegheitsbygga

Innafor planområdet er planlagt for 2 bustadbygg (bygg A og B) med til saman 13 og 12 leilegheiter i ulike størrelsar. Bygg A omfattar parkeringsgarasje på bakkenivå og tre bustadetasjar med totalt 13 bueiningar. I tillegg er det i bygg A planlagt eit fellesrom med kjøkken, samt gjesteleilegheit. Begge bygga har heistilgang frå garasjen. Taket på garasjen utgjer ein stor felles terrasse som knyt bustadblokkene saman.



Utsnitt frå illustrasjonsplan , vedlegg 11

Kommunedirektøren vurderer at dei felles uteareala bind leilegheitsbygga saman på ein god måte, og at saman med eit felles aktivitetshus og eigne balkongar legg ein til rette for eit nytt bustadfelt med sosiale møteplassar og private soner.

Byggjehøgder og estetikk

Maksimal byggehøgde innanfor heile feltet er 15 meter mønehøgde over gjennomsnitt planert terreng. For bygg B kan maks 30 % av takflata førast opp til maksimal byggehøgde og det er krav om nedtrapping av etasjar mot sør. Trapp- og heishus er tillate inntil 2 meter over maks byggehøgde. Samla utnyttingsgrad innafør planområdet er sett til 115% BRA.

Vi ser positivt på nedtrapping av bygg B mot kollen som eit avbøtende tiltak. Samstundes er maks tillate kotehøgde høgare på denne delen av utbyggingsområdet og vi meiner at dette dempar effekten av nedtrappinga.

Det er sikra i føresegn §§ 2.1 at den planlagde busetnaden skal etterstrebe materialbruk som tilpassar seg uttrykket til tradisjonelle bygningsmaterialer, det skal ikkje nyttast reflekterande materiale, samt at fargebruk ikkje skal ha dominerande fjernverknad.



Fasade nord-aust



Fasade sør-vest

Føreslåtte bygg vert planlagt med balkongar langs fasaden som skaper lange horisontale linjer. Bygga har ulike etasjehøgder som er skissert med ein kombinasjon av flatt tak og saltak. Høgda på bygga påverkar i stor grad bygningane sine proporsjonar. Begge bygga har ei maks mønehøgde som rår over kollen med ca. 5-8 meter som gjer at vi får silhuettverknad frå fleire retningar, sjølv om bygg B skal nedtrappast. Avslutninga av bygget mot horisonten vert difor viktig i forhold til fjernverknad.

Det er lite spel i fasaden som gjer uttrykket monotont, og saman med heishusa framstår bygga noko tunge mot resten av terrenget og landskapet.

Vi er positive til at prosjektet søkjer inspirasjon frå eldre byggeskikkar og tradisjonar slik som skildra i planomtalen, men ønskjer at det fram mot 2. gongs handsaming vert vurdert å bryte opp fasaden og gjere visuelle grep for lette bygningskroppane.

Uteopphaldsareal

Føresegnene til kommuneplan set krav til at det skal setjast av privat uteopphaldsareal på min. 50m²

og 50m² felles i område for konsentrert bustad. Ved etablering av blokker over 3 etasjar, kan høvet mellom privat og felles MUA endrast i reguleringsplan. Planforslaget legg opp til at min. 10 m² skal vere privat, direkte tilknytt kvar bueining. Uteopphaldsarealet skal løysast innanfor BB og f_UTE.

Utsnitt frå solstudier viser at det er sparsamt med sol på fellesarealet planlagt framføre bygg A. Det er høgda og forma på blokkbusetnaden som forringer og skyggelegg store deler av arealet og gjer det mindre attraktivt som felles møteplass for bebuarane. Det fører også til at ein lyt flytte seg rundt i dei ulike uteareal for optimale forhold, noko planforslaget må legge til rette for.



Utsnitt frå sol-skuggestudier, vedlegg 15

Om eventuelle private balkongar vert plassert på byggas austside, vil det vere uheldig i høve tilgang på sol.

Fram mot 2. gongs handsaming må det ligge føre ei heilheitleg vurdering på kvaliteten og bruken av privat og felles uteareal gjennom dagen (gangmønster). Vi etterlyser også solstudier som viser solforhold formiddag/tidleg ettermiddag 20. juni og ei oversikt over junimånad slik som vist for mars månad i vedlegg 15. Videre er det viktig å få avklart at det er gode solforhold for det private utearealet då størrelsen (10m²) er i nedre sjikt av det som kan akseptast, og at bebuarane må ha tilgang på gode fellesareal som kompensasjon for dette.

For felles uteopphaldsareal skal ikkje arealet vere smalare enn 10 meter, dette må kome fram i føresegnene.

Universell utforming

Planens intensjon er å legge til rette for seniorbustader der universell utforming er eit viktig prinsipp i utforming av både bustader og uteareal. I planomtalen er det også sagt at bustadane skal prosjekterast med livsløpsstandard, jf. Husbankens krav. Prosjektets høge utnyttingsgrad er begrunna med den interne interessa i Lindås pensjonistlag. Likevel er prinsippet om universell utforming kun lagt til grunn i tilkomsten til bueiningane, renovasjons- og uteareal jf. føresegn 2.1.1.

Vestland fylkeskommune skriv i sin uttale at med tanke på prosjektets intensjon og talet menneske som har funksjonsutfordringar aukar med alderen, ventar dei at universell utforming vil ligge til grunn for å sikra optimale løysingar for tiltenkte brukarar. Kommunedirektøren stettar dette.

Etter vår vurdering er ikkje universell utforming tilstrekkeleg ivaretatt i planforslaget, og det kan framstå som utnyttingsgraden vert vekta tyngre enn kvaliteten på prosjektet. Det bør stillast krav til at ein viss prosent av bueningane må vere universelt utforma og at trinnfire løysingar mellom uteareala skal etterstrebast.

Dette må det arbeidast vidare med fram mot 2. gongs handsaming av plan.

Felles leikeplass

Det er plassert felles leikeplass på begge sider av bekken nordaust i området , og vi vurderer at denne ligg godt til rette for å bli ein god møteplass for bebuarane Åtun og andre i Storbruhaugen. Solstudier viser at areala har gode solforhold både på dag- og kveldstid.

Arealkrava for leikeplass er oppfylt jf. kommunedelplan, men det er også eit krav om at den skal vere opparbeida med ballbane eller tilsvarande. Vi meiner føresegna for opparbeiding som ligg under rekkfølgekrav er for lite detaljert. Det må stilast rekkefølgekrav til opparbeiding av arealet med aktivitet/apparat som gagnar både born og eldre, lik det som har vore drøfta i undervegmøta med konsulent. Tidleg i prosessen vart tuftepark nemnd som eit eksempel og i planskildringa er benkar og grillplass nemnt.

Jf. føresegn § 3.1.1.12.c er alminneleg skjøtsel av vegetasjon langs bekken tillate. Vi ynskjer tilbakemelding frå aktuelle høyringsinstansar om dette er i strid med vannressursloven § 11.

Grønnstruktur

Innafor området for grøntstruktur sør i planområdet, er det ein eksisterande sti som fører vidare opp til kollen. Dette er ei høgde som vert mykje brukt av mellom anna barnehagen. Toppen av kollen er relativt flat og vegetasjonen består i hovudsak av berg og eldre furutre som har forgreina seg, slik at dei eignar seg til klatring og til å sitte på.




Bygg B sett frå toppen av kollen



Illustrasjon av byggets plassering

Stien til høgda og kollens toppunkt er sikra i planforslaget. Bygg B i framlegget vil ligge delvis inn i skråninga langs kollens vestre side, men bygget skal nedtrappast slik at det ikkje skuggar for sol og utsikt. Vi ser likevel i solstudiane at på kveldstid i sommarhalvåret vil bygg B kaste skugge over deler av kollen.



Fasade sett frå sør-aust, stipla line illustrerer kollen

Planforslaget viser ein gangforbindelse frå Storbruhaugen via fortau GG1 og vidare til friområde i nord. Dette sikrar at turvegen Lystløypa som er skildra i moglegheitstudien for Lindås datert 2019, vert ivaretatt.

Den trondhjemske postveg

Planområdet ligg utanfor omsynssona til Den Trondhjemske postvegen. Sona mellom omsyns- og byggesona er føreslege regulert til friområde, der vegetasjon og natur skal førast vidare slik at det vert ein vegetasjonsskjerm mellom postvegen og dei nye husværa. Planframlegget er utforma slik at kulturminnet ikkje vert direkte råka, men plassering til Bygg B kjem tettare på postvegen enn det som var planlagt for i kommunedelplan. Vi rår til at dette vert betre illustrert i forslaget.

Det skal før planen vert lagt ut til offentleg ettersyn lagast illustrasjonar/fotomontasje som syner

kva konsekvensar tiltaket får for det omkringliggjande kulturmiljøet. Vinkel på montasjen vil vere frå Fonnebostvegen i normalperspektiv, og terrenginngrep i kollen og nærføring til postvegen skal kome godt fram.

Vi ønskjer tilbakemeldingar frå høyringsinstansar på tiltakets verknad på postvegen.

Terrenginngrep

Snittillustrasjonar syner at bygg A vil ha god terrengtilpassing, medan bygg B vil krevje noko meir masseuttak og tilfylling. Veganlegg og uteopphaldsareal vil i stor grad følgje terrenget, og ikkje krevje særleg store inngrep. Det skal etterstrebast massebalanse i planområdet, med bruk av utteke masse som tilfylling. Ved søknad om igangsettingsløyver er stilt krav om plan for massehandtering.

Veg

Tilkomst til planområdet er frå kommunal veg Storbruhaugen via kryss kommunal veg/fylkesveg 5470 Fonnebostvegen. Krysset, som er regulert i tilgrensande rp for Fonnebostvegen, er trafikkanalysen vedlegg 7 vurdert til å vere i tråd med vegnormalane når det gjeld kanalisering, og krysset har tilstrekkeleg kapasitet til å handtere framtidig trafikkmengd med sær god margin.

Trafikktryggleiken er vurdert å vere godt ivaretatt med regulert kryssløysing, mellom anna gjennom eit samanhengande fortau frå planområdet til Lindås senter.

Parkering

Parkering er tenkt løyst som parkeringsgarasje på bakkeplan i mellom bustadbygga og delvis i bygg B. I tillegg er vert det lagt opp til parkeringsplassar utandørs i forkant av bygga.

Planforslaget legg opp til det skal vere min 1/maks 2 parkeringsplassar for bil pr. bueining. Det er vidare sett krav til at skal setjast av minimum 2 plasser for sykkelparkering for kvar bueining. Dette er i samsvar med føresegnene til kommuneplan.

Støy

I kommunedelplan for Lindås er det for område B 1 sett krav til støyanalyse. I forslaget til detaljplan ligg bustadane utanfor gul og raud støysone, og krav til støyutgreiing fell vekk.

Renovasjon

Det vert planlagt for nedgraven renovasjonsløysing. Tilkomsten frå bueiningane til nedkastløysinga skal vere universelt utforma og kan ifølgje illustrasjonsplan nåes frå eit felles uteopphaldsareal planlagt i framkant av bygg A. Det er satt av areal til snuhammar som tilfredstiller krava for renovasjonsbil med kran.

Kommunedirektøren legg til grunn at løysinga er trafikksikker i høve intern trafikk og mjuke trafikantar.

Naturmangfald

Planforslaget er vurdert opp mot Naturmangfoldloven §§ 8-12 i eigen rapport utarbeida av Miljøfaglig Utredning AS, sjå vedlegg 4.

Rapporten utelukkar konflikt med vipe i planområdet som skildra i kommuneplan, og konkluderer vidare med at største negative konsekvens er at eit grøntareal vurdert til å ha ubetydeleg verdi vert bygd ned.

Som avbøtande tiltak vert buffersone mot elv, handtering av framande artar og bevaring av vegetasjon nemnt. Dette er i hovudsak tatt i vare i føresegnene forutan buffersone mot elv. Bekken/elva er omtala under eige under kapittel om leikeplass.

Risiko- og sårbarhet

I ROS-analysen vises det til tre tema kor risikoreduserande tiltak skal vurderast. Desse er:

	K1	K2	K3	K4	K5
S5					
S4	-Nedbør -Overvann -Flaum i vassdrag -Kulturminne -Trafikksikkerheit -Anleggstrafikk	-Mjuke trafikantar (anleggsfase) -Ureining frå anleggsmaskiner -Støy i anleggsfasen	-Steinsprut v/ sprenging i anleggsfase		
S3		-Støv frå boring og sprenging			
S2		Avrenning til vassdrag	Skogbrann / grasbrann		
S1					

Forslag til oppfølging er å setje rekkefølgekrav om plan for anleggsfasen som vil handtere gitte

risikomoment. Dette er følgd opp i føresegnene.

VA-rammeplan

Det er utarbeidd VA-rammeplan for planområdet, som skal leggjast til grunn for vidare detaljprosjektering av området. Denne er godkjent, med atterhald om at det kan bli krav om etablering av brannhydrant i tilknytning til bustadkomplekset.

Barn og unges interesser

I kdp for Lindås vert det vist til statlege planretningslinjer og krav om det skal finnast erstatningsareal for nedbygging av areal som nyttast av barn og unge.

Det vert i planforslaget vist til medverknadsmøte med Solhaugen barnehage, vedlegg 10. I møte vart det avklart kvar stien til toppen av kollen ligg i terrenget samt plassering til gapahuken som dei minste borna ofte nyttar. Planforslaget kjem ikkje i direkte konflikt med desse målpunkta. Vidare hadde barnehagen fleire tiltak som dei ønskte at utbyggar skulle ta med vidare i planarbeidet, m.a. ein park med tilbod til både unge og eldre. Dette er omtala i eige punkt om felles leikeplass.

Folkehelse

Som nemnt sikrar planforslaget at eksisterande og planlagde turstiar innafor området vert oppretthalde og ivaretatt. Sykkelparkering er ivareteke i planforslaget, og det er lagt til rette for nærleikplass med tilbod til born og vaksne.

Barnehagedekning og skulekapasitet

Eit planforslag kan ikkje styre kven som flyttar inn og det må føyast til i føresegnene rekkefølgekrav om dokumentasjon på tilfredsstillande kapasitet på skule og barnehehage før rammeløyve.

Planframstilling

Det må påreknast endringar i plandokumenta før innsending til 2. gongs handsaming av planforslaget:

- Basiskart må oppdaterast
- Eigarform må takast vekk frå bekkeformålet
- Oppdaterte solstudier

- Justere føresegn om breidde på uteoppfallsareal og barnehagedekning/skulekapasitet

Konklusjon

Planmaterialet har nokre manglar. Vi har likevel valt å leggje planforslaget ut til offentleg ettersyn fordi det er viktig å få rask planavklaring. Det vert lagt til grunn at planforslaget gir tilstrekkeleg grunnlag for naboar og høyringsinstansar til å uttale seg til planforslaget.

Vi sluttar oss i utgangspunktet til hovudformålet og hovudgrepet i planforslaget. Vi har likevel nokon merknadar. Dette gjeld følgjande forhold:

- Før planen vert lagt ut til offentleg ettersyn skal det ligge føre illustrasjonar/fotomontasje som syner tiltakets verknad på Den Trondhjemske postveg.

Før 2. gongs handsaming av planforslaget ber vi om at det vert sett nærare på følgjande forhold:

- Det vert tilrådd å gjere grep for bryte opp fasaden på bygga.
- Det må gjerast ei vurdering av solforhold og kvalitet på felles og privat uteoppfallsareal.
- Føresegna som gjeld rekkefølgekrav for opparbeiding av leikeareal må detaljerast.
- Det bør stillast krav til at ein viss prosentdel av bueningane må vere universelt utforma og at trinnfrie løysingar mellom uteareala skal etterstrebast».

Vedlegg i saken:

29.11.2022	1_Planskildring datert 26.10.2022	1841053
23.11.2022	2_Føresegner datert 25.10.2022	1841054
29.11.2022	3_Plankart datert 26.10.2022	1841055
29.11.2022	4_ROS-analyse	1841056
29.11.2022	5_Merknadsskjema	1841057
29.11.2022	6_Merknader	1841058
29.11.2022	7_Trafikkanalyse	1841059
29.11.2022	8_Naturmangfoldrapport	1841060
29.11.2022	9_VA-rammeplan	1841061
29.11.2022	10_Medvirkning barnehage	1841062
29.11.2022	11_Illustrasjonsplan	1841063

29.11.2022	12_Illustrasjoner	1841064
29.11.2022	13_Oppriss og fasader	1841065
29.11.2022	14_Terreg- og bygningssnitt	1841066
29.11.2022	15_Sol- og skyggeillustrasjoner	1841067
29.11.2022	16_Uteoppholdsarealer	1841068
29.11.2022	17_Grad av utnytting	1841069
29.11.2022	18_Vegtegninger	1841070
29.11.2022	19_Utregning gesims- og mønehøgde	1841071
29.11.2022	20_Brannkonsept	1841072
23.11.2022	21_Avklaring av planinitiativ	1841073

Arkiv:

<arkivID><jplD> FE-
144, FA-F03

JournalpostID:

Sakshandsamar:

Dato:

30.01.2023

Saksframlegg

Saksnr.	Utval	Møtedato
004/23	Råd for menneske med nedsett funksjonsevne	06.02.2023
003/23	Eldreråd	06.02.2023
007/23	Ungdomsråd	06.02.2023
	Utval for helse og omsorg	
	Utval for oppvekst, kunnskap og kultur	
	Alver kommunestyre	

Handlingsplan mot vald i nære relasjonar

Kommunedirektøren sitt framlegg til vedtak:

Handlingsplan mot vald i nære relasjonar blir vedteke

Politisk handsaming

Saka skal til uttale i råd for menneske med nedsett funksjonsevne, eldrerådet og ungdomsrådet, utval for helse og omsorg

Saka skal til innstilling i utval for oppvekst, kunnskap og kultur

Saka skal avgjerast i kommunestyret

Saksopplysningar

Bakgrunn

Ein kommunal handlingsplan mot vald og overgrep er ein strategi i Alver kommune sitt førebyggjande arbeid for å bekjempe vald og overgrep. Handlingsplanen har eit livsløp-perspektiv, og omfattar alle innbyggjarar i kommunen. Planen skal bidra til at kommunen har eit førebyggjande fokus på temaet, og at berørte får eit tilrettelagt og heilskapleg tilbod. Planen er ein handlingsplan knytt til tema og ikkje til eit spesifikt fagområde. Den er ein del av kommunen sitt plansystem, som består av fleire plantypar og er styrt av Alver kommune sin planstrategi.

Planen inneheldt tiltak som skal bidra til at alle som arbeider og/eller er i kontakt med innbyggjarane våre, skal våge å sjå, våge å spørje og ha mot til å handle slik at vald og overgrep opphøyrer. Målgruppa for Handlingsplanen er alle tilsette og innbyggjarar i Alver kommune.

Planen er ein digital plan, som vert gjort tilgjengeleg for både tilsette i Alver kommune, samt alle innbyggjarar i kommunen via Framsikt. Planen skal vere utgangspunkt for vidare arbeid med temaet på avdelingane i kommunen, samt eit verktøy som skal setje både tilsette og innbyggjarar i stand til å våge å sjå, våge å spørje og ha mot til å handle slik at vald og overgrep opphøyrer.

Oppbygging av planen

MÅL:

Hovudmålet i planen:

Innbyggjarar i Alver skal leve sine liv utan vald og overgrep.

Det er i tillegg formulert tre delmål som skal byggje opp under hovudmålet med innhald og meining:

- *Handlingsplanen skal bidra til å styrke kunnskapsnivået hjå tilsette i kommunen og vidareutvikle samhandlinga mellom faggrupper og tenester i kommunen*
- *Tilsette i Alver kommune har kunnskap om korleis ein førebyggjer, avdekkjer og hjelper den som er utsett for vald, og den som utøver vald*
- *Handlingsplanen skal gje innbyggjarar i Alver kunnskap om vald i nære relasjonar, og setje dei i stand til å våge å sjå, våge å spørje og ha mot til å handle*

TILTAKSPLAN:

Handlingsplanen har ein tiltaksplan som skildrar tiltak for å oppnå måla. Tiltaksplanen inneheld konkrete tiltak retta mot tilsette i Alver kommune, som synleggjer ansvar og deltakarar i arbeidet mot vald i nære relasjonar.

Tiltaksplanen er delt i nye tilrådde tiltak og eksisterande tiltak. Tiltaka omhandlar førebyggjande arbeid, avdekking av vald og kompetanseheving. Tabellen med eksisterande tiltak er ei oversikt over arbeidet som allereie er igangsett i dei ulike tenestene knytt til dette temaet. Nye tilrådde tiltak er basert på hovudmålsettinga, innspel frå medverknadsprosessane, samt avdekking av manglar i eksisterande tiltak.

HANDLINGSKORT:

Handlingskorta er meint å vere eit verktøy som skal bidra til at alle tilsette og innbyggjarar skal våge å sjå, våge å spørje og ha mot til å handle slik at vald og overgrep opphøyrer. Det er utarbeidd eit handlingskort som er retta mot bekymring for born og eit for vaksne. Handlingskorta inneheldt ein QR – kode som fører vidare til nettside på Alver kommune med oppdatert informasjon.

Planprosess

Arbeidet med planen har vore prosjektorganisert med ei tverrfagleg samansett gruppe med representantar frå oppvekst, helse & omsorg og NAV. RVTS (Regionalt ressurscenter om vold, traumatisk stress og selvmordsforebygging) bistod prosjektgruppa i oppstarten av arbeidet. I medverknadsprosessen har ein arbeidd saman med dei ulike politiske råda og interne og eksterne tenester/samarbeidspartar. Det har vore gjennomført to referansegruppemøter/workshopar med inviterte frå dei nemnte gruppene. I etterkant av desse møta har prosjektgruppa jobba med innspela og inkludert dei i planen.

Prosjektgruppa har hatt internt samarbeid med Plan og analyse og Kommunikasjonsavdeling om utarbeiding og oppsett av plan i Framsikt, samt utarbeiding av handlingskorta.

HØYRING

06.09.22 gjorde utval for oppvekst kunnskap og kultur vedtak om at framlegget til Handlingsplan mot vald i nære relasjonar vart lagt ut på høyring og offentleg ettersyn med ein høyringsperiode på seks veker. I høyringsperioden kom det inn 9 innspel. Innspela kom frå politiske råd, ulike avdelingar i sektor oppvekst og helse og omsorg, samt frå RVTS (ressurscenter for vald og traumatisk stress). Høyringsinnspela er gjennomgått og vurdert i prosjektgruppa og innhald i plan og handlingskort er justert.

Lenke til plan i Framsikt:

<https://pub.framsikt.net/plan/alver/plan-4e8e3a0e-2e16-41b8-9565-119cf3a84d3b-23861/>

Vedlegg i saken:

30.01.2023

Handlingsplan mot vald i nære relasjonar

1873038

Arkiv: <arkivID><jpID> FE-140
JournalpostID:
Sakshandsamar:
Dato: 11.01.2023

Saksframlegg

Saksnr.	Utval	Møtedato
005/23	Ungdomsråd	06.02.2023
007/23	Eldreråd	06.02.2023
005/23	Råd for menneske med nedsett funksjonsevne	06.02.2023
	Utval for oppvekst, kunnskap og kultur	
	Alver kommunestyre	

Kulturmiljøplan for Alver kommune 2024-2028 - Vedtak av planprogram

Kommunedirektøren sitt framlegg til vedtak:

Kommunestyret vedtar Planprogram for kulturmiljøplan for Alver kommune 2024-2028 slik det ligg føre.

Politisk handsaming

Saka skal til uttale i ungdomsrådet, eldrerådet og råd for menneske med nedsett funksjonsevne. Saka skal til innstilling i utval for oppvekst, kunnskap og kultur. Saka skal avgjerast i kommunestyret.

Saka gjeld

Utval for oppvekst, kunnskap og kultur vedtok i møte 8. november 2022, sak 065/22, å varsle oppstart av arbeidet med kulturmiljøplan for Alver kommune 2024-2028 og å leggja planprogrammet ut på høyring med høyringsfrist 8. januar 2023. Denne saka gjeld endeleg vedtak av planprogrammet.

Bakgrunn

Kulturminneplan er bestilt i planstrategi for Alver kommune 2021- 2024, som vart vedtatt i kommunestyret 25. mars 2021 (sak 039/21). I Stortingsmelding 16 (2019–2020): Nye mål i kulturmiljøpolitikken — Engasjement, bærekraft og mangfold vart omgrepet kulturmiljø tatt i bruk som samlenemning på omgrepa kulturminne, kulturmiljø og landskap og vert brukt når feltet vert omtalt som heilskap. Som ei følgje av dette vil omgrepet kulturmiljøplan verta nytta i det følgjande.

Planstrategien seier at kulturmiljøplanen skal ha status som temaplan. For temaplanar er det ikkje krav om å følgja prosesskrava i plan- og bygningslova, men ved å følgja desse prosesskrava sikrar ein høve til brei deltaking og involvering i planprosessen. Det vert difor lagt opp til å følgja prosesskrava i plan- og bygningslova i planarbeidet, og i tråd med dette er det det utarbeidd framlegg til planprogram for kulturmiljøplanen.

Saksopplysningar

Planprogrammet gjer greie for bakgrunnen for planarbeidet, målsetjingar med planen, føremål, føringar for planarbeidet, aktuelle tema for planen, planprosess, medverknad og framdriftsplan. Det er lagt opp til at kulturmiljøplanen skal dekkja heile kommunen og alle tidsepokar, og at ein dermed i løpet av planprosessen også skal vurderer om bygningar eller andre objekt frå vår tid skal prioriterast i planen. Planen er avgrensa til å omhaldla faste, materielle kulturminne og samlingar. Immateriell kulturarv vert omhandla i Kommunedelplan for kultur, idrett og friluftsliv.

Vedtaket i utval for oppvekst, kunnskap og kultur om å varsle oppstart av planarbeid og å leggja framlegg til planprogram ut på høyring vart kunngjort i fellesannonse i lokalavisa 23. november og 14. desember, på kommunen si nettside, facebook-side og på facebook-sida Kulturminne i Alver. Det vart i tillegg sendt skriv til aktuelle offentlege høyringsinstansar, Alver kulturråd og Alver idrettsråd og lag og organisasjonar i kommunen.

Det kom i løpet av høringsperioden inn ni innspel til utkast til planprogrammet. Desse er presenterte og vurderte i tabellen nedanfor.

Vurdering av innspel

Avsendar	Innspel	Vurdering
<p>Roger Gjerstad</p> <p>Kystverket</p>	<p>Innsendar er opptatt av at ein kulturmiljøplanen må vektleggja skapande aktivitet, kunst, kunstvitenskap og fornying.</p> <p>Kystverket peikar på at maritim verksemd, bruk av sjøen og sjøretta landareal til transport, næringsverksemd og fritidsbruk, alltid har vore ein naturleg del av vårt samfunn og kultur. Kysten vår har vore ei ferdselsåre frå dei tidlegaste tidene. Frå mellomalderen byrjar me å finna dei første kjente elementa i den maritime infrastrukturen. Kystverket si heimeside er eit godt utgangspunkt for informasjon til det vidare arbeidet. Kystverket la i 2009 fram ein landsverneplan for maritim infrastruktur. Landsverneplanen kan etter kystverket sitt syn vere eit godt dokument og sjå til høve med kommunen sitt arbeid med kulturmiljøplan. I planen er det informasjon om Lindås sjøsluser som er ei av to sjøsluser i Norge.</p>	<p>Eit av måla i planprogrammet er å «skapa større interesse for kulturminne- og kulturmiljø». Innspelet er relevant for planen sitt tema 4. Strategiar og tiltak. Landsverneplanen skal gåast gjennom i samband med planarbeidet. Innspelet vert tatt til etterretning.</p>
<p>Statens vegvesen</p>	<p>Den Trondhjemske postveg vart etablert som første hovudveg på Vestlandet i 1790- åra. Postvegen går gjennom Alver kommune frå Isdalstø i sør til Fonnebust i nordaust. Postvegen er eit nasjonalt kulturminne som har stått sentralt i postgangen mellom Bergen og Trondheim. Postvegen viser korleis ein bygde veg på denne tida og korleis han vart lagt iterrenget. Postvegen inngår i Statens vegvesen sin Nasjonal verneplan for vegar og vegrelaterte kulturminne. Gjennom Alver kommune er det i dag igjen mange flotte strekningar etter denne hovudvegen, med vegelement som bruer og klopper. Statens vegvesen som grunneigar ønskjer å ta vare på denne hovudvegen for komande generasjonar. Dei ber difor om at det i arealdelen til kommuneplanen vert lagt inn ei omsynssone langs vegen på 10 meter på baa sider av han. Føresegner: Den Trondhjemske postveg er eit kulturminne av nasjonal verdi. Det er difor lagt ei omsynssone i plankartet langs postvegen, med ei utstrekning på 10 meter frå kant av vegen på baa sider. Det skal ikkje finne stad fysiske tiltak innanfor denne omsynssona. Dersom det likevel skulle vere tiltak ein ønskjer å realisere innanfor dette arealet, eller tiltak inærleiken av postvegen som kan få innverknad på han, så skal saka sendast over til Statens vegvesen og Vestland fylkeskommune</p>	<p>Det er allereie omsynssone langs heile postvegen i kommuneplanen sin arealdel. Innspelet om omsynssone på 10 meter på begge sider av postvegen og forslag til føresegner vert vurdert i samband KPA.</p>

Lindås sogelag	<p>for vurdering. Dette tilhøvet må sikrast i føresegnene. Statens vegvesen har utover dette ikkje vesentlege merknader til varsel om oppstart av planarbeid og høyring av framlegg til planprogram.</p> <p>Lindås sogelag har den største gjenstandssamlinga i regionen. Dei peikar på at for å få full nytte av denne treng kommunen faste tiltak som kan fungera når eldsjeler er borte og nye generasjonar står framande for si eiga historie. Planprogrammet må difor ta for seg oppretting av eit lokalhistorisk museum, og tilsetjing av formidlingspersonale med kulturhistorisk og museumspedagogisk bakgrunn. I tillegg treng den store samlinga tilfredstillande magasin. Dette gjeld heile samlinga også båtane sogelaget har i Kraftlagsbygget i Alversund og i ishuset på Myksvoll. Samlinga treng å bli tatt hand om av fagfolk som har ressursar (tid, pengar og kunnskap) for å sikre gode oppbevaringsforhold. Det hadde vore ynskjeleg at museet og samlinga var lokalisert på ein lett tilgjengeleg plass, då særleg med tanke på skuleklassar og viktigheita av å læra å kjenna si historie. I tillegg vonar me at Sissel-Anny Hjelmtveit si samling av dampbåthistorie, bilhistorie og veghistorie med film og gjenstandar som ho har i museet «Gamle Seimstrand» i Seim, også kan få ein plass</p>	<p>Oppretting av lokalhistorisk museum og magasin er omtalt i kommunedelplan for kultur, idrett og friluftsliv. Problemstillingane vil også verta handsama i denne planen.</p>
Sissel Anny Hjelmtveit	<ol style="list-style-type: none"> 1. Ynskjer at det tittelen Kyrkjer og prestegardar tar med gamle kyrkjegardar, gamle vegfar for prestar og kyrkjegjengarar. 2. I punktet Kommunikasjon og samferdsel vonar eg at gamle ferdelsvegar kan presiserast og få meir verdi for kommunen og innbyggjarar enn dei får i dag, ved at utbyggjarar, grunneigarar og andre ikkje kan få øydeleggja eller stengja gamle ferdelsvegar, der forfedrane våre gjekk. 3. Under siste punktet, Samlingar, vonar eg at samlinga av dampbåthistorie, bilhistorie og veghistorie med film og gjenstandar som eg har i museet «Gamle Seimstrand» i Seim, også kan få ein plass. 	<ol style="list-style-type: none"> 1. Tittelen vert endra til Kyrkjer, kyrkjegardar og prestegardar. Kapitlet vil omhandla gamle kyrkjegardar, men og verneverdige gravminne på nyare kyrkjegardar. 2. Gamle ferdelsårer skal kartleggjast i samband med planarbeidet, og det vil verta vurdert omsynssone for ein del av dei. 3. Museet «Gamle Seimstrand» skal omhandlast i planen.
Lindås bygdelaag	<ol style="list-style-type: none"> 4. Lindås bygdelaag ynskjer at Lindåstunet (bygg og hageanlegg) skal få ein verneplan, og sikrast mot rivning og større endringar. Bygget og hageanlegget bør få vern som kulturminne og bevaringsverdig kulturmiljø, på lik linje med Den Trondhjemske postvei og Den indre farleia, i ny Kulturmiljøplan for 	<ol style="list-style-type: none"> 4. Lindåstunet ligg i omsynssone for bevaring av kulturmiljø (H570), men omsynssona har ikkje egne føresegner. Innspelet vert tatt med i samband med KPA.

	<p>Alver kommune.</p> <p>2. Kulturmiljøplanen bør legge til rette for at det blir laget en strategi for å ta vare på de eldre kulturbygningene og miljøet, som hører til det opprinnelige senter i Lindåsbygden ved dampskipskaia i Spjeldneset</p> <p>3. Bygdelaget ser det som svært viktig å få til en best mulig kulturmiljøplan for Lindåsbygden, og vi ønsker å være en aktiv og positiv medspiller i planprosessen. Vi ber derfor om å få med enrepresentant i referansegruppen</p>	<p>2. Innspelet vert tatt til etterretning.</p> <p>3. Postivt at Lindås bygdelag ynskjer å bidra i planprosessen. Bygdelag vert lagt til i referansegruppa.</p>
Vestland fylkeskommune	<p>4. Når det gjeld temainndelinga så bør ordet gardsbruk synleggjerast saman med jordbruket. Det kan vere at det også kan ha noko føre seg å ha ein temakategori for kulturlandskap samt ein temakategori for andre kulturmiljø, der sistnemnte tek opp i seg kulturmiljø som ikkje passar inn under dei andre temakategoriene.</p> <p>2. Det ideelle hadde vore at ein ferdigstilt kulturmiljøplan låg til grunn før ferdigstilt KPA. Når løpet ikkje er lagt opp slik er det føremålstenleg at planarbeidet, slik det blir vist til i planprogrammet, vert delt i to fasar. Første fase går på å utarbeide forslag til omsynssoner for kulturmiljø H570 og føreseger til andre fase går på ferdigstilling av ein kulturmiljøplan med tematisk del og handlingsplan. Vi vil igjen understreke at det må settast av nok tid og ressursar til kunnskapsinnhenting, dokumentasjon og vurdering av kulturminne og kulturmiljø. Grundige prosessar vil gje meir føreseielege rammer for alle partar, samt redusere ressursbruken og konfliktpotensialet i framtidige planprosessar. Alver kommune har i tillegg til eit stort tal automatisk freda kulturminne, fleire kulturminne frå nyare tid av høg verdi. Det er viktig å sørge for at omsynssone H570 blir utforma slik at sonen både kan ivareta samanhengar i kulturmiljøet, men og vere føremålstenleg i samfunnsutviklinga. I pressområde er det viktig at slike omsynssoner vert gjort operative både gjennom grenser og føreseger.</p>	<p>1. Gardsbruk vert ein sentral del av dette temaet/kapitlet. Underkapittel vert Kulturminne i innmark, kulturminne i utmark, stølsdrift og husmannsplassar. Me vil vurdera å ta med kulturlandskap som eige kapittel eller underkapittel. Andre kulturminne er tatt inn som eige tema/kapittel.</p> <p>2. Vert tatt til etterretning.</p>
Statsforvalteren i Vestland	<p>1. Kulturmiljøplanen bør tydeleggjera verdiar og peika på områder der det er potensiell konflikt. Det er bra at planen skal foreslå</p>	<p>3. Vert tatt til etterretning. Planforslaget til KPA skal, jamfør vedtak i</p>

	<p>viktige kulturmiljø og kulturminne som bør få omsynssone for kulturmiljø(H570) i kommuneplanen si arealdel (KPA), eller sikrast gjennom føresegn. Dette arbeidet skal vere ferdig seinast februar 2023, og er første fase i planarbeidet. Vi stiller spørsmål ved om kunnskapsgrunnlaget er godt nok for å gjere ein god jobb med dette, så tidleg i prosessen med kulturmiljøplanen.</p> <p>2. Vi er positiv til at jordbruk skal vere eit tema i planen. Vi legg til grunn at tradisjonelt landbruk og kulturlandskap vil inngå der.</p>	<p>kommunestyret 24. nov 2022, til 1. gangs politisk handsaming i oktober 2023, og dette gjer at ein får meir tid også til å utarbeida forslag til omsynssone for bevaring av kulturmiljø.</p> <p>2. Namn på tema vert endra til landbruk. Tradisjonelt landbruk og kulturlandskap vil verta omhandla under dette temaet.</p>
Alver kulturråd	Ingen merknader.	Tatt til orientering.

Kommunedirektøren si tilråding

Kommunedirektøren rår til at planprogrammet vert vedtatt slik det no ligg føre.

Vedlegg i saken:

18.01.2023	Planprogram kulturmiljøplan_til vedtak	1867656
20.01.2023	Uttale - Oppstart - framlegg til planprogram - Alver - kulturmiljøplan 2024 - 20028	1868812
20.01.2023	Kulturmiljøfagleg innspel - varsel om oppstart av planarbeid og høyring - framlegg til planprogram - Kulturmiljøplan - Alver kommune	1868813
20.01.2023	Lindås bygdelag - Innspill til ny Kulturmiljøplan for Alver	1868814
20.01.2023	Alver kommune høyringsutkast Kulturmiljøplanen	1868815
20.01.2023	Alver kommune høyringsutkast Kulturmiljøplanen	1868816
20.01.2023	Uttale til varsel om oppstart av planarbeid og høyring av framlegg til planprogram - Kulturmiljøplan - Alver kommune	1868817
20.01.2023	Fråsegn om oppstart av arbeid med kulturmiljøplan - Alver kommune - Vestland fylke	1868818
20.01.2023	Innspel planprogram	1868819
30.01.2023	Kulturmiljø uttale AK revidert	1873127

Arkiv: <arkivID><jplD>
Plannavn-
Kommunedelplan
for oppvekst - Alver
kommune, Komnr-
4631

JournalpostID:
Sakshandsamar:
Dato: 17.01.2023

Saksframlegg

Saksnr.	Utvål	Møtedato
006/23	Råd for menneske med nedsett funksjonsevne	06.02.2023
004/23	Eldreråd	06.02.2023
003/23	Ungdomsråd	06.02.2023
	Utvål for oppvekst, kunnskap og kultur	
	Alver kommunestyre	

Endeleg vedtak Kommunedelplan Oppvekst 2023-2034

Kommunedirektøren sitt framlegg til vedtak:

Kommunestyret i Alver vedtek «Kommunedelplan for oppvekst 2023-2034» slik den er lagt fram som digital plan og i vedlagt dokumenteksport av denne.

Vedtaket har heimel i plan og bygningslova kapittel 11. (§ 11-15)

Politisk handsaming

Saka skal til uttale i ungdomsråd, eldreråd, råd for menneske med nedsett funksjonsevne.

Saka skal til innstilling i utvål for oppvekst, kunnskap og kultur,

Saka skal avgjerast i kommunestyret.

Saka gjeld

Endeleg godkjenning av og vedtak for kommunedelplan oppvekst 2023-2034.

Planen er del av kommunen sine overordna planar og er gjennomført som kommunedelplan i samsvar med reglane i plan og bygningslova. No er prosessen kommen til siste steget, som er endeleg vedtak i kommunestyret.

Saksopplysningar

Bakgrunn:

I planstrategi for Alver for periode 2021-2024 er det planlagt å gjennomføre kommunedelplan for oppvekst. Planarbeidet vart starta i 2021, parallelt med kommuneplanen sin samfunnsdel og kommunedelplan for helse og omsorg. Etter ein fase med felles planaktivitet, for mellom anna medverknad, vart først kommuneplanen sin samfunnsdel (KPS) vedteke av kommunestyret.

Kommunedelplan for oppvekst representerer ei vidare detaljering av KPS sine overordna målsettingar og er samstundes koordinert med andre kommunedelplanar. I tillegg til kommuneplanen sine overordna mål har kommunedelplan for oppvekst arbeidd vidare med eigne målsettingar som er relatert til hovudmåla i samfunnsdelen. Arbeidet førte fram til eit planforslag som kommunestyret vedtok å leggje ut til offentleg høyring og ettersyn. Etter høyringsperioden har prosjektgruppa revidert planen med omsyn til innkomne merknader. Kommunedirektøren legg no fram planen for endeleg vedtak i kommunestyret.

Sakshistorikk

Kommunedelplan for oppvekst 2023-2034 er utarbeidd i det digitale plansystemet Framsikt. Planen har i heile prosessen vore tilgjengeleg i internt nett via testpublisering frå systemet. Endeleg plan vil vera ein digital plan i Framsikt, men det verte produsert ein eksport av planen sitt innhald til eit PDF-dokument, slik at dei som ikkje kan bruka digital plan kan få tilgang til denne analogt.

Her er lenke til digital plan (intern lenke): [Kommunedelplan for oppvekst](#)
PDF-eksport av planen er vedlagt.

Proessen fram til framlegg endeleg vedtak:

Planprogrammet for kommunedelplan oppvekst vart godkjend 10/11-20.

Programmet er ein «plan for planlegginga» og gjennom det vart det politisk vedtaka at desse fokusområda skulle vera retningsgjevande for det vidare arbeidet med planforslaget:

- Inkluderande fellesskap
- Tidleg innsats
- Læring, livsmeistring og utvikling
- Tverrfagleg samarbeid
- Fattigdom i barnefamiljar
- Digitalisering av sektoren
- Helsefremjande oppvekst

I det vidare arbeidet med planforslaget vart det samstundes med felles medverknad invitert ulike referansegrupper til medverknadsmøte/verkstader samt intern undersøking. Dette arbeidet resulterte i fleire rapportar som inngjekk som grunnlag for utarbeidinga av planforslaget.

Her oversikt for nokre dei viktigaste aktivitetane:

16.06.2021: Styrarar barnehagar
23.04.2021: Interne samarbeidspartar
26.04.2021: Politi og BUP med fleire
27.05.2021: Tverrfagleg gruppe
13.04.2021: FAU Barnehage
14.04.2021: FAU Skule
16.06.2021: Styrarar barnehagar
23.03.2021: Tilsette
26.03.2021: Samarbeidspartar
27.05.2021: Rektorar skule
27.05.2021: Tilsette barnehagar og skular mfl.
08.04.2021: Elevråd og ungdomsråd
26.11.2021: Referansegruppesamling
10.05.2022: Referansegruppesamling

I heile planprosessen har det samstundes vore jamlege møte med medverknad/informasjon i råd og utval. På bakgrunn av dette omfattande grunnlagsarbeidet vart det i møte med styringsgruppa (Utval for oppvekst, kunnskap og kultur) vedteke seks hovudmål for planperioden. Samstundes tok planen med oppfølging av vedtekne relevante mål frå kommuneplanen sin samfunnsdel.

Kommunedelplan oppvekst sine seks hovudmål vart desse:

1. Barn og unge opplever å høyre til.
2. Barn og unge blir sett og ivaretatt.
3. Barn og unge er rusta til å møte framtida.
4. Barn og unge opplever at vaksne samarbeider.
5. Barn og unge vert møtt av kompetente vaksne.
6. Familjar opplever eit godt tenestetilbod.

Om planen:

Til arbeidet med planen har prosjektgruppa nytta planmodulen i Framsikt. Alver kommune har tidlegare nytta Framsikt til økonomiplanlegging og har no utvida systemet med planar og verksemdstyring. Førremona med ein digital plan som inngår i eit felles overordna system er at mål og tiltak vert tilgjengeleg for heile systemet. Intensjonen er at vedtekne planar vert direkte tilgjengeleg for vidare oppfølging i økonomiplan og verksemdplan.

Planen har følgjande oppbygging:

1. Førreord

Litt om målsetting for planen og innleiande oversikt for innhaldet i planen.

2.0 Innleiing

Fagleg plassering av oppvekstsektoren. Enkel gjennomgang av planprosessen og plansystemet. Forklaring på korleis denne planen inngår i eit overordna plansystem.

3.0 Kunnskapsgrunnlag

Statistikk og anna innhenta kunnskap vert presentert.

4.0 Tenesteskildringar

Skildring av dei ulike fagdelane innan oppvekstsektoren

5.0 Saman om ein god oppvekst

Viktige faglege rammer for oppvekstsektoren vert presentert.

6.0 Hovudmål, delmål og strategiar

Hovudmål med tilhøyrande delmål vert presentert. Desse er tilknytt strategiar for som skildrar kva som skal gjerast for å nå måla.

7.0 Handlingsdel

Fireårig handlingsdel der planen lister opp forslag til tiltak som treng finansiering og tiltak som skal løysast innan eksisterande rammer.

8.0 Møteplassar og team

Oversikt for alle arenaer for samhandling innan oppvekst i Alver kommune.

9.0 Kjelder

Referansar til kjeldemateriale som er brukt i planarbeidet.

Vurderingsgrunnlag

Prosjektgruppa for kommunedelplan oppvekst har no handsama alle merknadene som vart sendt inn under offentleg høyring og ettersyn i perioden 15/10-22 til 1/12-22.

Merknadene er sett opp i vedlagte merknadsoversikt der prosjektgruppa har gjennomgått og kommentert alle. I oversikta er det også kommentert kva merknaden har ført til av endring i planen.

For detaljar om dette sluttføringsarbeidet visast til nemnde merknadsoversikt, men det generelle inntrykket av merknadane er at planen er godt gjennomarbeidd og at den får mykje gode attendemeldingar, mellom andre frå overordna mynde som Statsforvaltar og Fylkeskommune.

Planen er ordrik, men samstundes er vurderinga at det i den digitale utgåva av planen er mogeleg å manøvrere meir direkte til enkeltdelar.

Vurdering:

Planen framstår som godt gjennomarbeidd og dekkjande for både hovudmåla i kommuneplanen sin samfunnsdel og dei hovudsatsingane som vart trekkte fram i kommunedelplanen sitt planprogram. Det er gjennomført ein omfattande planprosess med stor grad av medverknad. Planen er no integrert i kommunen sitt styringsstøtteverktøy Framsikt, noko som gjer det mogeleg med tettare oppfølging av handlingsdelen i planen.(Årleg rullering).

Kommunedirektøren vurderer at kommunedelplan for oppvekst 2023-2034 no er klar for slutthandsaming og endeleg vedtak i kommunestyret.

Kommunedirektøren si tilråding

Kommunedirektøren rår til at «Kommundelplan for oppvekst 2023-2034» vert endeleg vedteke av kommunestyret slik den er lagt fram digitalt, med vedlagt kopi i dokumenteksport.

Vedtaket vil gjerast med heimel i plan og bygningslova kapittel 11. (§ 11-15)

Vedlegg i saken:

27.01.2023	Høyringsskjema med kommentar	1871833
27.01.2023	KDP_oppv_FramsiktExport_26012023	1871869

Arkiv: <arkivID><jplD>
PlanID-46312022000,
Plannavn-
Kommunedelplan
Helse, sosial og
omsorg, Komnr-4631,
FE-140

JournalpostID:
Sakshandsamar:
Dato: 16.01.2023

Saksframlegg

Saksnr.	Utval	Møtedato
006/23	Eldreråd	06.02.2023
007/23	Råd for menneske med nedsett funksjonsevne	06.02.2023
004/23	Ungdomsråd	06.02.2023
	Utval for helse og omsorg	
	Alver kommunestyre	

Kommunedelplan helse, sosial og omsorg 2023-2034

Kommunedirektøren sitt framlegg til vedtak:

Kommunestyret vedtar kommunedelplan helse, sosial og omsorg 2023-2034 slik den ligg føre, med heimel i plan og bygningslova §11-15.

Politisk handsaming

Saka skal til uttale i eldrerådet, råd for menneske med nedsett funksjonsevne, ungdomsrådet.

Saka skal til innstilling i utval for helse og omsorg.

Saka skal avgjerast i kommunestyret.

Saka gjeld

Alver kommune sin kommuneplan 2022-2034 legg føringar for korleis vi vil utvikle samfunnet, kva vi skal satse på, kva visjonar og mål vi har for framtida – og kva vi må gjere for å kome dit.

Kommunedelplan helse, sosial og omsorg skal bidra til måloppnåinga. Kommunedelplan er ein overordna plan med eit tidsperspektiv på 12 år, og ein handlingsdel for dei komande 4 åra. Handlingsdelen skal reviderast kvart år i samband med økonomiplan og handlingsprogram.

Planen er eit verktøy både for det daglege og langsiktige arbeidet i tenestene, og skal vere eit styringsverktøy der ein kan sjå samanhengar. Planen gjev slik grunnlag for underliggende tema- og handlingsplanar samt verksemdsplanar hjå tenestemråda.

Saksopplysningar

Grunnlag

Grunnlag for arbeid med kommunedelplan helse, sosial og omsorg er følgjande:

[Alver kommunestyre sak 028/20 den 14.05.20: Godkjenning av planstrategi for Alver kommune 2020-2023](#)

- [Alver kommunestyre sak 143/20 den 26.11.20: Kommunedelplan helse, sosial og omsorg – planprogram](#)
- [Alver kommunestyre sak 039/21 den 25.03.2021: Revidert planstrategi for Alver kommune 2021-2024](#)
- [Alver kommunestyre sak 071/22 den 19.05.2022: Kommuneplan for Alver 2022-2034 – samfunnsdel](#)
- [Utval for helse og omsorg sak 038/22 den 04.10.22: Kommunedelplan helse, sosial og omsorg 2022-2034 - høyring og offentlig ettersyn](#)

Kommuneplanen sin samfunnsdel tar stilling til langsiktige utviklingstrekk for samfunnet vårt og kommunen som organisasjon. Med bakgrunn i utviklingstrekk peiker samfunnsdelen ut mål og retning som ivaretar ønska utvikling for samfunnet vårt. Dei tre underliggende kommunedelplanane skal saman bidra til måloppnåinga i kommuneplan samfunnsdel. Desse planane er:

- Kommunedelplan oppvekst
- Kommunedelplan helse, sosial og omsorg
- Kommunedelplan kultur, frivilligheit og idrett

Utviklingstrekk knytt til demografiske og samfunnsmessige endringar utfordrar Alver kommune sitt samfunnsoppdrag på ulike område. Døme på dette er prioritering av ressursar, sikre tilstrekkeleg kompetanse og arbeidskraft, ha rett kapasitet til rett tid samt kvalitet i frovaltning og tenesteyting til ulike målgrupper i livsløpet. Handlingsval innan helse-, sosial og omsorg skal slik bidra til berekraftig utvikling, kvalitetsforbedring og ressurseffektiv forvaltning og drift i sektoren.

Planprosess og medverknad

Planprogrammet til kommunedelplan helse, sosial og omsorg gjer greie for føremålet med planarbeidet, planprosessen, plantema og opplegget for medverknad. Frå september 2020 til mars 2021 har vi hatt felles medverknadsprosess med kommuneplan samfunnsdel.

Medverknadsprosessen er samla i sju rapportar:

1. Melding frå folket
2. Nærsesterstudie
3. Samtalar med råda
4. Tenketank med næringslivet
5. Mitt Alver
6. Digital samfunnsdialog
7. Melding frå administrasjonen

Vidare har ein arbeida med administrativt medverknad frå alle tenesteområda i sektoren. Tema for medverknad har mellom anna vore knytta til tema frå planprogram:

- Demografi – Befolkningsutvikling og flyttemønster
- Helsefremming og utfordringar ein forventar i komande år
- Fellesskap, aktivitet og aktiv omsorg
- Sosial berekraft
- Lovpålagde oppgåver, bidra til prioritering av knappe ressursar
- Heilskaplege tenester
- Samarbeid og samhandling internt og eksternt
- Omstillings- og endringskompetanse, forbetningsarbeid

Utval for helse og omsorg har vore styringsgruppe for planprosessen. Ein har nytta arbeidsmøte med

styringsgruppa for kunnskapsdeling og arbeid med målformuleringar relatert til kommuneplanens samfunnsdel. Ei rekke fagbaserte presentasjonar har gjeve grunnlag for samtalar mellom fag og politikk i forarbeidet. Presentasjonar og referat frå arbeidsmøta har vore del av prosessarbeidet og kunnskapsgrunnlaget for framlegg til plantekst.

Styringsgruppa sine arbeidsmøter:

08.02.22
07.03.22
31.03.22
22.04.22
09.05.22
24.05.22
01.06.22
17.06.22
12.09.22
17.01.23

Administrasjon har prosjektorganisert planarbeidet med administrativ prosjektgruppe inklusiv representasjon frå hovudtillitsvalde. Vidare har ein nytta referansegruppe for innspel/synspunkt. Referansegruppe har mellom anna vore samansett av representantar frå ungdomsråd, eldreråd, råd for menneske med nedsett funksjonsevne, ulike lag- og organisasjonar, vekstbedrifter og næringsliv. I tillegg er spesialisthelsetenesta ved Haraldsplass Diakonale sjukehus og Helse Bergen v/Haukeland Universitetssjukehus oppmoda om å kome med innspel i planprosessen.

Referansegruppa sine møter:

10.03.22
18.05.22
08.06.22
13.09.22

Oppbygging av plan

Kommuneplan samfunnsdel er førande for kommunedelplan helse, sosial og omsorg (KDP HSO).

Kommunedelplan helse, sosial og omsorg er eit overordna sektorbidrag og styringsverktøy innanfor rammer som lov og forskrift samt andre nasjonale og lokale føringar.

For å synleggjere samanheng i plansystemet er det ikkje formulert eigne målkapittel i kommunedelplan helse, sosial og omsorg. Styringsgruppa har valt ut mål og strategiar frå kommuneplanens samfunnsdel 2022 – 2034 som er relevante for KDP HSO.

Kapittel 1 omhandlar forankring i planhierarki, mål og målgrupper for plan samt medverknad og prosess i arbeidet med å utarbeide plantekst.

Kapittel 2 omhandlar aktuelle nasjonale og regionale føringar for sektoren. Forvaltning og tenesteyting innan helse-, sosial- og omsorg er i all hovudsak styrt av lov og forskrift, og vi har vidare tilslutta oss ulike regionale samarbeidsområde med tilhøyrande mål, strategiar og ressursinnsats.

Kapittel 3 viser prognoser for utviklingstrekk for kommunen vår. Vi må vurdere og einast om prioriteringar av mål og vegval for samfunnsutviklinga i høve utviklingstrekk, og sjå desse saman med noverande kapasitet i tenestene.

Kapittel 4 synleggjer at tenester innan helse-, sosial- og omsorg vert ytt i heile livsløpet, på ulike nivå og til ulike målgrupper. Vi nyttar modell for aktivitets- og meistringstrapp samt bustadtrapp for å visualisere omfang. Her vil ein m.a. få oversyn på kva type tenester og kapasitet vi har i kommunen, samt invitere til debatt, prioriteringsval og beslutningsstøtte for ønska utvikling og dimensjonering av tenester og butilbod med mål om å kunne gi rett teneste på rett nivå.

I kapittel 5 ønskjer vi å tematisere grunnlag for ulike vegval vi vil fokusere på i planperioden. Dette er og

relatert til tema som vart omtalt i planprogrammet for KDP HSO. Med grunnlag i kapittel 2, 3 og 4 vert det kort gjeve argumentasjon for strategiar og handlingsval.

I kapittel 6 er mål og strategiar omsett til handlingsval i form av oppdrag og tiltak. Kommunedelplan helse, sosial og omsorg er overordna og det er trong for å konkretisere ulike tema meir detaljert via tema- og handlingsplanar med tilhøyrande tiltak for å synleggjere økonomiske verknader med vidare. Oppsummering av vidare arbeid med tema- og handlingsplanar finn ein i kapittel 7.

Framlegg vedtak plantekst i Framsikt: [Kommunedelplan helse, sosial og omsorg 2023-2034](#)

Det er utforma ein kopi av plantekst i pdf.format versjon 27.01.23 jamfør vedlegg.

Mål og vegval

For å prioritere mål og vegval for utviklinga har kommunedelplan helse, sosial og omsorg mellom anna fokus på:

- Frivillige og pårørande som ressurs – vi vil ta samfunnet sine samla ressursar i bruk for å løyse morgondagens utfordringar.
- Tidleg innsats, helsefremmande arbeid og førebyggjande verksemd – vi vil styrke arbeid med universelle strategiar for heile befolkninga i heile livsløpet.
- Tenester der folk bur og til rett tid – vi vil ha eit variert butilbod, beste effektive nivå på tildeling av tenester samt rett kapasitet på alle nivå i aktivitets- og meistringstrappa.
- Meistring, deltaking og arbeid.
- Tenester som er koordinerte og verkar saman.
- Personell, kvalitet og kompetanse – vi vil ha meistringorientert leing og kunnskapsbaserte tenester.
- Nye kunnskapsbaserte arbeidsmetodar og velferdsteknologi – vi må ta i bruk nye løysingar som er effektive, forenklande og gjer det mogleg å bu heime lengre.

Høyringsperiode og innspel

Utval for helse og omsorg vedtok sak 038/22 den 04.10.22 å sende planutkast på høyring og offentleg ettersyn. Høyringsfrist vart sett til 01.12.22.

Høyringsperioden gav 10 innspel. Administrasjon har vurdert innspela og presentert vurderingane for styringsgruppa i møte 17.01.23. Samla framstilling av vurderingar knytta til dei ulike innspela ligg som vedlegg - «Vurdering høyringsinnspel KDP HSO 24.01.23».

I all hovudsak er innspela vurdert som argumentasjon som støtter opp om plantekst slik den ligg føre, eller som innspel til vidare arbeid med konkretisering i ulike tema- og handlingsplanar. Dei innspela som medførte endring/justering av plantekst er innarbeida. Øvrige endringar er relatert til korrektur/språkvask.

Vurdering:

Kommunedirektøren vurderer at arbeidsprosess der styringsgruppa aktivt har bidratt til utforming av kommunedelplan helse, sosial og omsorg har vore omfattande og god. Planprosess stettar krav til medverknad frå ulike partar.

Kommunedelplan helse, sosial og omsorg ivaretar intensjon om å vere ein overordna sektorplan som skal bidra til måloppnåing jamfør kommuneplan sin samfunnsdel.

Vidare legg kommunedelplan helse, sosial og omsorg føringar for yttarlegare konkretisering og detaljplanlegging via komande arbeid med t.d. tema- og handlingsplanar relatert til både aktivitets- og meistringstrappa samt bustadtrappa.

Økonomiske konsekvensar

I handlingsdelen kapittel 6 er det 2 tiltak med økonomisk konsekvens. Ingen av desse tiltaka er per tid tatt inn i økonomiplan 2023-2026. Det eine tiltaket er knytta til prøveordning 2023 kommunalt følgje på ferie og

fritidsreise, og det andre tiltaket er ny stillingsressurs koordinator for frivillig innsats i sektor helse og omsorg.

Dei øvrige handlingsvala har per tid ikkje konkrete økonomiske verknader, anna enn administrative ressursar for utgreiing/planarbeid samt kontinuerleg leiing, kvalitetsforbedring og ressurseffektiv drift.

Kommunedelplan helse, sosial og omsorg er overordna og det er trong for å konkretisere ulike tema meir detaljert via tema- og handlingsplanar. Desse planane vil ha eigne handlingsdelar med tilhøyrande tiltak for å m.a. synleggjere økonomisk verknad. Dømer på slike tema- og handlingsplanar er:

- Kommunal bustadplan (tidlegare bustadsosial handlingsplan)
- Psykisk helse og rusmestring (tidlegare ruspolitisk handlingsplan)
- Plan for heilskapleg demensomsorg
- Plan for det førebyggjande arbeid
- Plan for legetenesta
- Plan for samhandling frivillige, lag og organiasjonar og kommune
- Plan for velferdsteknologi for barn, unge og vaksne i eit tverrsektorielt perspektiv

Kommunedirektøren si tilråding

Kommunedirektøren tilrår at kommunestyret vedtar kommunedelplan helse, sosial og omsorg 2023-2034 slik den ligg føre, med heimel i plan og bygningslova §11-15.

Framlegg vedtak plantekst i Framsikt: [Kommunedelplan helse, sosial og omsorg 2023-2034](#)

Vedlegg i saken:

08.12.2022	Høyringsuttale - Kommunedelplan helse, sosial og omsorg - Særutskrift fra møte i Ungdomsrådet 07.11.2022, sak 39/22	1848995
08.12.2022	Høyringsuttale - Kommunedelplan helse, sosial og omsorg - Særutskrift fra møte i RMNF 07.11.2022, sak 49/22	1848677
18.11.2022	Høyringsuttale - Kommunedelplan helse, sosial og omsorg - Særutskrift fra møte i Eldrerådet 07.11.2022, sak 46/22	1837276
01.12.2022	Lindås Pensjonistlag - Høyringsuttale - kommunedelplan helse, sosial og omsorg	1845529
02.12.2022	Statsforvaltaren i Vestland - Fråsegn til kommunedelplan for helse, sosial og omsorg -	1846026
01.12.2022	Fysio/ergoterapitenesta og hjelpemiddellageret - Høyringsuttale	1845172
01.12.2022	Fysio/ergoterapitenesta og hjelpemiddellageret - Kommenterar til Hovudmåla i KDP HSO	1845260
01.12.2022	Kari-Anne Simonsen - Høyringsuttale	1845211
31.10.2022	Stian Lavik - Høyringsuttale - kommunedelplan helse, sosial og omsorg	1826498
01.12.2022	Friskliv og Meistring Nordhordland - Høyringsuttale	1845215
01.12.2022	Friskliv og Meistring Nordhordland - Kommenterar til hovudmåla	1845216
01.12.2022	Friskliv og Meistring Nordhordland - Oversikt - årsverk	1845217
01.12.2022	Friskliv og Meistring Nordhordland - Særavtale	1845218

21.11.2022	Tenesteleiargruppa i Oppvekst - Innspel høyring KDP helse, sosial og omsorg	1839006
30.01.2023	Kommunedelplan helse sosial og omsorg 2023-2034 versjon 27.01.23	1872569
30.01.2023	Vurdering høyringsinnspel KDP HSO 24.01.23__	1873018

Arkiv: <arkivID><jplID> FE-145, FA-L70
JournalpostID:
Sakshandsamar:
Dato: 17.01.2023

Saksframlegg

Saksnr.	Utval	Møtedato
	Utval for helse og omsorg	
009/23	Eldreråd	06.02.2023
008/23	Råd for menneske med nedsett funksjonsevne	06.02.2023

Mandat: Kommunal bustadplan – trygge og gode bustader i Alver kommune 2024-2035
Kommunedirektøren sitt framlegg til vedtak:

Utval for helse og omsorg godkjenner mandat for «Kommunal bustadplan – trygge og gode bustader i Alver kommune 2024-2035» jamfør vedlegg.

Utval for helse og omsorg vert politisk styringsgruppe i planprosessen.

Politisk handsaming

Saka skal til uttale i eldreråd og råd for menneske med nedsett funksjonsevne.

Saka skal avgjerast i utval for helse og omsorg.

Saksopplysningar

Bakgrunn:

[Planstrategi for Alver 2021-2024](#) legg til grunn at det skal utarbeidast bustadsosial handlingsplan.

[Alver kommune sin kommuneplan samfunnsdel 2022-2034](#) legg føringar for korleis vi vil utvikle samfunnet vårt, kva vi skal satse på, kva visjonar og mål vi har for framtida – og kva vi må gjere for å kome dit. Døme på målformulering i samfunnsplan er her «*Innbyggjarane i Alver bur i trygge og gode bustader*».

Kommunedelplan helse, sosial og omsorg skal bidra til måloppnåinga i kommuneplan, og er planlagt handsama i kommunestyre februar 2023. I denne kommunedelplanen ligg det framlegg om å utarbeide Bustadplan.

Vurdering:

Kommunedirektøren vurderer at det hastar med å starte planprosess for kommunal bustadplan. Dette er mellom anna relatert til kjende bustadbehov for ulike målgrupper på kort og lengre sikt, samt pågåande arbeid med å synleggjere arealbehov til helse-, sosial- og omsorgsføremål jamfør prosess kommuneplan arealdel.

Framlegg til kommunedelplan for helse, sosial og omsorg skisserer modell for aktivitets- og meistringstrapp som eit visuelt hjelpemiddel i arbeidet med å dimensjonere innsats og tenester. Vidare skisserer ein ei bustadtrapp som syner ulike bustadtypar på 6 trinn, kva føremål/målgrupper bustadane har og korleis tilbodet er dimensjonert. Utviklingstrekk som vert omtalt i kommunedelplan helse, sosial og omsorg utfordrar oss til å utforme ein heilskapleg og framtidsretta bustadplan som konkretiserer ønska utvikling og kapasitet i planperioden.

Bustadplan skal slik omhandle alle trinn i bustadtrappa kombinert med aktivitets- og meistringstrappa, og synleggjere kommunen sine behov for bustader til ulike målgrupper i planperioden samt prioritere tiltak i

handlingsdel.

Det er utforma framlegg til mandat for planprosess jamfør vedlegg.

Mandat er godkjent i administrativ styringsgruppe 20.01, og ein legg fram mandat for politisk godkjenning. Mandat legg til grunn at utval for helse og omsorg vert politisk styringsgruppe for planprosess.

Kommunedirektøren si tilråding

Kommunedirektøren tilrår at utval for helse og omsorg godkjenner mandat for «Kommunal bustadplan – trygge og gode bustader i Alver kommune 2024-2035» jamfør vedlegg.

Vidare vert det tilrådd at utval for helse og omsorg vert politisk styringsgruppe i planprosessen.

Vedlegg i saken:

30.01.2023

Administrativ styringsgruppe - mandat bustadplan

1872240

Arkiv: <arkivID><jplD>
JournalpostID:
Sakshandsamar:
Dato: 24.01.2023

Saksframlegg

Saksnr.	Utval	Møtedato
009/23	Råd for menneske med nedsett funksjonsevne	06.02.2023
	Alver kommunestyre	

Årsmelding Rådet for menneske med nedsett funksjonsevne i Alver 2022

Kommunedirektøren sitt framlegg til vedtak:

Årsmeldinga frå Rådet for menneske med nedsett funksjonsevne for 2022 vert teken til orientering.

Politisk handsaming

Saka skal til uttale i råd for menneske med nedsett funksjonsevne

Saka skal avgjerast i Kommunestyret

Bakgrunn

I følge politisk styringsstruktur for Alver skal rådet for menneske med nedsett funksjonsevne kvart år leggja fram årsmelding til kommunestyret.

Saksopplysningar

Det vert lagt fram årsmelding for rådet for menneske med nedsett funksjonsevne for 2022 (sjå vedlegg).

Vedlegg i saken:

30.01.2023 Årsmelding frå RMNF 2022

1870010

Arkiv: <arkivID><jplID> FE-033
JournalpostID:
Sakshandsamar:
Dato: 31.01.2023

Saksframlegg

Saksnr.	Utval	Møtedato
010/23	Råd for menneske med nedsett funksjonsevne	06.02.2023

Meldingar og orienteringar til RMNF - 06.02.2023

Kommunedirektøren sitt framlegg til vedtak:

Meldingar vert tekne til orientering.

Politisk handsaming

Saka skal avgjerast i rådet for menneske med nedsett funksjonsevne

Saksopplysningar

Det vert lagt fram følgjande meldingar og orienteringar:

1. Detaljregulering Åtun gbnr 1108/61 – orientering v/Ingrid Raniseth-rådgjevar Planforvaltning
2. Handlingsplan mot vald i nære relasjonar – orientering v/Kjersti Risa Marøy-tenesteleiar Helsestasjon- og jordmortenesta
3. Kulturmiljøplan for Alver 2024-2028 – orientering v/Bente K. Hervik-rådgjevar kultur
4. Kommunedelplan Oppvekst 2023-2034 – orientering v/Rolf Raknes-fagleiar areal og samfunn
5. Kommunedelplan helse, sosial og omsorg 2023-2034 – orientering v/Helge Kvam-fagansvarleg Fagutvikling stab helse og omsorg
6. Mandat: Kommunal bustadplan 2024-2035 – orientering v/Helge Kvam-fagansvarleg Fagutvikling stab helse og omsorg
7. Prosjekt leining, kvalitetsforbetring og ressurseffektiv drift – status v/Eva Mikkelsen-prosjektleiar

(sjå vedlagt statusrapport for 2022)

8. Bufellesskap Mjåtveit – orientering v/Ronny Landaas-rådgjevar Prosjekt
9. Heimeundervisning (privat heimeundervisning i heimen) - orientering v/Kristin Moe-kommunalsjef Oppvekst

Orienteringar 1-7 vert gjeve i felles orienteringsmøte RMNF/Eldrerådet

Vedlegg i saken:

31.01.2023 Prosjekt leining kvalitetsforbetring og ressurseffektiv drift - 1873746
Statusrapport 2022 (002)

